

後蜀二八

十國替槐八

後蜀
二
八

十國
春
種
八

十國春秋卷第四十九

仁和吳任臣志伊氏撰

門人姚廷益贊師氏閱

昭文周空昂少霞

重刊校

後蜀二

後主本紀

後主昶字保元初名仁贊高祖第三子也

長子本瓊華公主子在唐

不得立史失其名

母貴妃李氏以天祐十六年十一月生仁贊

於太原

按花蕊夫人宮詞法雲寺裏中元節又是官家降誕辰是七月十五日為後主生辰矣然五國

故事言十一月誕日號明幼時聰悟才辨有口者周元慶節非七月也今姑從之

豹相之謂高祖曰此兒骨法非常宜愛之後又遣元豹
熟視仁贊於戲劇處旣而告曰四十年偏霸之主非等
閒也由是高祖特加愛念起家西川節度行軍司馬高
祖稱皇帝進檢校太保東川節度使同中書門下平章
事充崇聖宮使

一云衙內馬步都指揮使

及高祖病革立爲皇太子

權監軍國事頃之高祖晏駕秘不發喪樞密使王處回
夜啓義興門過司空趙季良涕泣季良曰泣無益也當
速立嗣君以絕非望處回收淚謝之遂與季良宣遺制
命太子仁贊更名昶蓋明德元年七月丙寅也丁卯昶

於柩前嗣皇帝位時年十六

錦里耆舊傳作年十四非

不改元仍稱

明德

明德元年秋九月加趙季良司徒張業檢校太尉李肇
王處回俱兼侍中癸卯唐命鳳翔益兵守東安鎮以備
我甲寅詔加衛聖諸軍都指揮使武信節度使李仁罕
兼中書令判六軍事以左匡聖都指揮使保寧節度使
趙廷隱兼侍中爲六軍副使仁罕自恃宿將有功求判
六軍令進奏吏來從會以意諭樞密院又至學士院偵
草麻帝不得已有是命帝自置殿直四番取將家及死
事孤子爲之乃命李仁罕子繼宏趙季良子元振張業
子繼昭侯洪實子令欽趙廷隱子崇韜分爲都知領焉

冬十月奉鑾肅衛都指揮使昭武節度使兼侍中李肇

不時入朝庚午始至成都稱足疾見帝不拜戊寅捧聖

控鶴都指揮使張公鐸與醫官使韓繼勳豐德庫使韓

保貞茶酒庫使安思謙等譖李仁罕有逆志

錦里耆舊傳又云王

處回趙廷隱慮其難作請殺之

帝令繼勳等與趙季良趙廷隱謀命武

士執仁罕殺之丙午詔暴仁罕罪并其子繼宏及宋從

會

錦里耆舊傳作宋讓數人

等皆伏誅源州都押牙文景琛據城叛

果州刺史李延厚討平之戊子勒李肇以太子少傅致

仕徙印州時左右以肇倨慢請加誅遂有是處分唐雄

武節度使張延朗圍文州李延厚將果州兵屯興州遣

先登指揮使范延暉將兵却之是時唐階州刺史郭知

瓊拔夫石寨興州刺史馮暉屯乾渠皆引兵歸

時階興二州皆

已入蜀唐蓋使知瓊暉領二州刺史進取而不克

十二月頒勸農桑詔曰刺史

縣令其務出入阡陌勞來三農望杏敦耕瞻蒲勸穡春

鷓始嘯便具籠筐蟋蟀載吟卽鳴機杼甲申葬文武聖

德英烈明孝皇帝於和陵上廟號曰高祖是歲析鹽亭

縣雍江草市置招葺院

院或作縣

明德二年春二月丙寅朔大赦戊寅尊母李氏爲皇太

后夏四月庚午以御史中丞母昭裔爲中書侍郎同平

章事六月賜江原縣孝子張元帛三十段并米酒等物

秋七月閬州大百寇如雞子鳥雀皆死暴風飄船上民
屋巫者言灌口神與閬州神交戰所致九月金州防禦
使全師郁攻唐金州拔水寨都監陳知隱託他事將兵
三百遁去防禦使馬全節出奇拒我我兵乃退帝雅好
擊毬茂州錄事叅軍幸寅遜上書諫止帝雖不從頗優
容之

明德三年春三月地震熒惑犯積尸帝以積尸蜀分也
欲禳之司天少監胡韞請不必禳乃寢其事帝酷喜走
馬未幾馬蹶皇太后曰奈何以馳騁爲樂貽吾之憂帝
由是稍止又爲方士房中之術多採良家子以充後宮

樞密副使韓保貞切諫帝卽日出之賜保貞金數斤有
上書者言臺省官當擇清流帝歎曰何不言擇其人而
任之左右請以其言詰上書者帝曰吾見唐太宗初卽
位獄吏孫伏伽上書言事皆見納奈何勸我拒諫邪夏
四月吳越遣使來聘冬十月遣使如吳越報聘十一月
晉主卽皇帝位於柳林己亥改元天福十二月丁亥申
嚴錢禁

明德四年春正月乙卯朔日有食之

按晉高祖實錄正
川甲寅朔乙卯日

食十國紀年云蜀乙卯朔日食
蓋晉人避三朝日食改歷耳

三月晉遣使告卽位且

敘姻好其書曰大晉皇帝奉書大蜀皇帝伏自中原多

故大憝繼興朱氏不道而皇天不親沙陀背義而蒼天
失望不期景運猥屬眇躬方鼎足以分疆宜鄰好之講
睦況有姻親之舊敢交玉帛之歡機務方殷保攝是望
帝復書用敵國禮冬十月蜀人譙本詈母忽化爲虎奔
城上兼侍中趙廷隱射殺之因見帝曰虎山林之獸而
人化之入於城市虎旅中慮有不軌之士是夜衛軍張
洪謀叛翼日爲其黨所告伏誅洪太原人剛勇絕倫軍
中號爲張大蟲咸以爲虎上城之驗十二月丁酉帝耀
兵太元門戊申大赦改明年元曰廣政是歲晉人侵利
州至劍門趙廷隱領兵拒退之

廣政元年春正月帝謁和陵

自後歲以爲常

以武信節度使同

平章事張業爲左僕射兼中書侍郎同平章事樞密使

武泰節度使王處回兼武信節度使同平章事三月上

巳節遊大慈寺宴從官於玉溪院分韻賦詩優人以前

蜀後主爲戲命斬之是月民譌言後宮產蛇取人心肝

爲食百姓驚恐逾月乃止秋八月大水冬十月地震屋

柱盡搖凡三日十一月以誕生日爲明慶節帝幸佛寺

散香是歲鑄廣政通寶錢

洪遵泉志曰廣政錢徑九分重三銖銅質渾厚字八分書

廣政二年夏六月地震洶洶有聲秋八月楚溪州刺史

彭仕然引獎錦州蠻焚掠辰澧鎮戍遣使乞師於我帝

以道遠不許是歲太白晝見國中大水祖廟壞

四川總志云廣

政二年蜀大水孟氏廟壞

廣政三年春正月上元節帝觀燈露臺召舞倡李艷娘入宮賜其家錢十萬夏四月太保兼門下侍郎同平章事趙季良請與門下侍郎同平章事母昭裔中書侍郎同平章事張業分判三司癸卯命季良判戶部昭裔判鹽鐵業判度支五月地震帝問羣臣曰頃年地何頻震羣臣對曰地道靜而屢動此必強臣陰謀之事願以爲慮六月敎坊部頭孫延應王彥洪等謀逆伏誅延應故廷隱伶人以技選入敎坊有妖尼語之曰君貴不可

言至是謂其徒胡圭云今王氏苦竹開花侯侍中家馬
作人言銀槍營中井水湧出地又數震正叛亂之兆也
於是合十二人期以晏日持杖爲俳優盡殺諸將而奪
其兵爲其黨趙廷規所告盡禽焉冬十月地震從西北
來聲如暴風急雨之狀

廣政四年春二月丙辰加衛聖馬步都指揮使武德節
度使兼中書令趙廷隱樞密使武信節度使同平章事
王處回捧聖控鶴都指揮使保寧節度使同平章事張
公鐸檢校官並罷其節度使三月甲戌以翰林學士承
旨李昊知武寧軍散騎常侍劉英圖知保寧軍諫議大

夫崔鑾知武信軍給事中謝從志知武泰軍將作監張

讚知寧江軍先是節度使多領禁兵或以他職留成都

委僚佐知留務專事聚斂政事不治民無所訴

左編陳恕傳云

孟氏舊政賦稅輕重不均閬州稅錢千八百爲一絹果州六百爲一絹

帝知其弊因使諸

臣各知節度事畧與正帥有異夏四月蝗丁亥晉山南

東道節度使安從進謀反遣使乞師於我請出兵金商

以爲聲援帝謀於羣臣皆曰金商險遠少出師則不足

制敵多則漕輓不繼乃辭之五月帝著官箴頒郡縣曰

朕念赤子肝食宵衣託之令長撫養安綏政在三異道

在七絲驅雞爲理留犢爲規寬猛得所風俗可移無令

侵削無使瘡痍下民易虐上天難欺賦輿是切軍國是

資朕之爵賞固不逾時爾俸爾祿民膏民脂為人父母

罔不仁慈勉爾為戒體朕深思後宋太祖摘其中四句為戒石銘令郡縣刻石

置公座前帝好學為文皆本於理居恆謂李昊徐光溥曰王

衍浮薄而好輕艷之辭朕不為也常敕史館集古今韻

會五百卷按後主亦善辭有相見歡詞

廣政五年春正月地震二月湖南遣使來聘三月帝宴

牡丹苑牡丹譜云孟氏於宣華苑牡丹苑牡丹名之曰牡丹苑牡丹花凡雙開者十

黃者白者三紅白相間者四又有深紅淺紅深紫淺紫

淡黃鑑黃潔白正暈倒暈金含稜銀含稜旁枝副搏合

歡重臺每朶至五十葉面徑七八寸復有檀心如墨者
香聞至五十步從官皆賦詩賞之閏月甲申西域番僧
來朝冬十月地震摧民居百數

廣政六年春正月癸卯以宣徽使兼宮苑使田敬全領
永平節度使敬全故宦者引前蜀王承休爲比而命之
是歲大選良家子以備後宮限年十三以上二十以下
州縣騷然民多立嫁其女謂之驚婚新津縣令陳及之
疏諫帝嘉其言賜白金百兩然采擇卒不止於是後宮
位號列十四品有昭儀昭容昭華保芳保香保衣安宸
安蹕安情修容修媛修媚等秩比公卿大夫士焉

廣政七年春正月戊戌復以將相遙領節度使唐遣使來聘副以六鶴帝命少府監黃筌寫六鶴於便坐之壁名曰六鶴殿二月晉階州義軍指揮使王君懷帥所部來降請爲鄉導以取階成

蜀人復失階成史失載

甲子遣兵攻晉

階州三月晉秦州兵救階州出黃階嶺我兵敗於西平秋七月晉改元開運是歲門下侍郎同平章事母昭裔按雍都舊本九經命平泉令張德釗書而刻諸石以貯成都學宮

廣政八年秋九月保寧節度使同平章事張公鐸卒廣政九年秋八月司徒趙季良卒冬十一月旆州刺史